

**IZVJEŠTAJ O TANSSPARENTOSTI ZA
PERIOD 01.01.2025 – 31.12.2025**

**Društvo za reviziju RE-Controlling
d.o.o. Zenica**

S A D R Ź A J

	Strana
UVOD	1
OPIS PRAVNE FORMEI VLASNIŠTVA DRUŠTVA ZA REVIZIJU	1
OPIS UPRAVLJAČKE STRUKTURE DRUŠTVA	1
OPIS SISTEMA INTERNE KONTROLE KVALITETA DRUŠTVA ZA REVIZIJU	2-3
EXSTERNA PROVJERA KVALITETE RADA DRUŠTAVA ZA REVIZIJU	3
POPIS SUBJEKATA OD JAVNOG INTERESA KOD KOJIH JE DRUŠTVO IZVRŠILO REVIZIJU	4
IZJAVA O PROCEDURAMA I NEOVISNOSTI RADA DRUŠTVA	4
IZJAVA O POLITICI DRUŠTVA ZA REVIZIJU U VEZI SA KONTINUIRANIM PROFESIONALNIM USAVRŠAVANJEM LICENCIRANIH OVLAŠTENIH REVIZORA	4-5
FINANSIJSKE INFORMACIJE O OSTAVRENIM PRIHODIMA	5
INFORMACIJE O PARAMETRIMA ZA UTVRĐIVANJE ZARADA OVLAŠTENIH REVIZORA KOJI POTPISUJU IZVJEŠTAJE O OBAVLJENIM REVIZIJAMA SUBJEKATA OD JAVNOH INTRESA	5

IZVJEŠTAJ O TRANSPARENTNOSTI ZA 2025. GODINU

UVOD

Ovaj izvještaj o transparentnosti objavljuje se u skladu s odredbama člana 82. Zakona o računovodstvu i reviziji (Službene novine FBiH broj 15/21).

1. OPIS PRAVNE FORME I VLASNIŠTVA DRUŠTVA ZA REVIZIJU

Re-Controlling d.o.o. Zenica osnovano je 2018. godine kao društvo sa ograničenom odgovornošću (u daljnjem tekstu Društvo). Upisano je u sudski registar nadležnog suda pod matičnim brojem 43-01-0245-18

Identifikacijski broj je 4219010080009

Društvo je registrovano za obavljanje računovodstvene, knjigovodstvene, revizijske djelatnosti i porezno savjetovanje, te je razvrstano pod šifru djelatnosti 69.20 prema klasifikaciji djelatnosti Zavoda za statistiku FBiH.

Osnivači Društva: Elvira Pidro sa 100%

Društvo posluje samostalno i ne pripada grupi.

2. OPIS UPRAVLJAČKE STRUKTURE DRUŠTVA

Upravu društva čini Elvira Pidro, direktor bez ograničenja ovlaštenja.

Revizijske izvještaje potpisuju ovlašteni revizori društva.

Ovlašteni revizori društva su:

- Dijana Ajanović
- Pidro Elvira u period 10.03.2025.-30.06.2025.

3. OPIS SISTEMA INTERNE KONTROLE KVALITETA DRUŠTVA ZA REVIZIJU

Sistem interne kontrole kvaliteta u Društvu osigurava se kroz usvojenu metodologiju i procedure za provođenje revizije, kao i primjenu odredbi Pravilnika o metodologiji revizije finansijskih izvještaja.

Društvo je razvilo i usvojilo interne politike kontrole kvaliteta koje se temelje na standardima izdatim od strane Međunarodne federacije računovođa (IFAC), uključujući i Međunarodni standard kontrole kvaliteta 1 (ISQC 1). Pored zahtjeva koje postavlja ISQC 1, sistem kontrole kvaliteta prilagođen je i pravilima i standardima koje propisuje Revizorska komora FBiH.

Naše politike obuhvataju sve ključne elemente kontrole kvaliteta s ciljem da partneri i zaposlenici djeluju sa integritetom i objektivnošću, te da profesionalno i odgovorno izvršavaju svoje zadatke, u potpunosti u skladu s važećim zakonima, propisima i profesionalnim standardima.

U nastavku donosimo sažetak osnovnih politika, stavova i postupaka koji osiguravaju da se u obavljanju revizijskih angažmana dosljedno održava visok nivo kvaliteta:

- Odgovornost uprave za kvalitet rada
- Etički zahtjevi
- Ljudski resursi
- Obavljanje angažmana

Odgovornost Uprave za kvalitet rada

Uprava Društva kontinuirano poduzima sve potrebne aktivnosti kako bi poslovanje RE Controlling d.o.o. bilo prepoznato kao sinonim za kvalitet, neovisnost, objektivnost i etičko postupanje. Svi uposlenici redovno se educiraju i informiraju o važećim standardima i smjernicama, koje im pomažu u pružanju usluga visokog kvaliteta našim klijentima. Uprava svakodnevno i u svakoj prilici naglašava značaj očuvanja i unapređenja standarda kvaliteta na najvišem nivou.

Etički zahtjevi

Integritet i objektivnost Ugled i uspjeh RE Controlling d.o.o. temelje se na profesionalnosti, integritetu i odgovornosti članova Uprave i uposlenika. Svi uposlenici obavezni su poštovati profesionalne etičke standarde, koji podrazumijevaju kompetentnost, integritet, objektivnost, postupanje s dužnom pažnjom, čuvanje povjerljivih podataka i profesionalno ponašanje. Naši etički standardi u potpunosti su usklađeni s Etičkim kodeksom IFAC-a. Svaki uposlenik obavezno potpisuje Izjavu o tajnosti i povjerljivosti podataka.

Neovisnost

RE Controlling d.o.o. u potpunosti poštuje pravila neovisnosti propisana revizorskim standardima i drugim relevantnim pravilima struke. Društvo kontinuirano prati usklađenost sa regulatornim i profesionalnim zahtjevima, uključujući i one koji se odnose na neovisnost u odnosu na klijente. Svaki klijent dobija Izjavu o neovisnosti, čime se dodatno potvrđuje posvećenost ovom principu.

Ljudski potencijali

Zapošljavanje

Načelo našeg poslovanja jeste da je kvalitet revizijskih angažmana u direktnoj vezi s kvalitetom zaposlenih. Zbog toga su usvojene politike i postupci koji osiguravaju da se zapošljavaju isključivo osobe s potrebnim znanjem, sposobnostima, kompetencijama i etičkim načelima, kako bi se angažmani obavljali u skladu sa standardima revizorske profesije i regulatornim zahtjevima.

Profesionalni razvoj

Edukacija je stalan proces koji počinje od prvog dana zaposlenja i traje tokom cijelog radnog vijeka. Naši uposlenici prolaze kroz različite formalne obuke, ali i kontinuirano uče kroz svakodnevni rad. Program edukacije obuhvata reviziju, računovodstvene osnove, kao i specijalizirana područja u kojima zaposleni djeluju.

Uprava i ovlašteni revizori posebno su posvećeni razvoju uposlenika putem treninga, obuka, razmjene iskustava i stalnog nadzora. Društvo poštuje profesionalne standarde koji određuju potrebnu učestalost i obim stručnog usavršavanja.

Ovlašteni revizori učestvuju u obaveznim seminarima i programima stručnog obrazovanja, što je uslov za obnavljanje licence za rad.

Nadzor i usmjeravanje

Ovlašteni revizori, u ulozi voditelja timova, odgovorni su za dodjeljivanje zadataka zaposlenicima sa odgovarajućim kompetencijama, te za određivanje obima nadzora i kontrole rada manje iskusnih članova tima.

Obavljanje revizije

Unutrašnje konsultacije među članovima tima predstavljaju važan segment kontrole kvaliteta. Definisane su procedure za slučajeve kada postoje različita mišljenja, kako bi se postigao konačan, usuglašen stav. Menadžeri zaduženi za upravljanje rizicima aktivno učestvuju u postupcima prihvatanja i zadržavanja klijenata, kao i u procjeni nastavka saradnje i razmatranju drugih relevantnih pitanja.

Uprava Društva je uvjerena da opisani sistem kontrole kvaliteta u potpunosti odgovara svim važećim propisima i pruža razumnu osnovu za zaključak da su revizije finansijskih izvještaja koje je RE Controlling d.o.o. provela u prethodnoj godini izvršene u skladu s najvišim standardima kvaliteta.

4. EKSTERNA PROVJERA KVALITETE RADA DRUŠTVA ZA REVIZIJU

Revizorska komora FBiH svake godine provodi indirektni nadzor nad poslovanjem Društva.

5. POPIS SUBJEKATA OD JAVNOG INTERESA KOD KOJIH JE DRUŠTVO IZVRŠILO REVIZIJU

RE Controlling d.o.o. Zenica je u toku 2025. godine izvršilo reviziju finansijskih izvještaja za 2024. godinu sljedećih klijenata koji imaju status subjekta od javnog interesa:

<i>Red.br.</i>	<i>Naziv subjekta od javnog interesa</i>
1.	CENTROTRANS DD SARAJEVO
2.	CENTAR DD ZAVIDOVIĆI
3.	TRANSTURIST DD TUZLA
4.	JP ZENICA GAS
5.	JP SPORTSKI OBJEKTI
6.	JP PARKING
7.	JU ZZZR
8.	JU ZAVOD ZA MEDICINU I SPORTSKU MEDICINU
9.	JU PREDSKOLSKI ODGOJ OBDANIŠE
10.	JU DOM ZDRAVLJA VISOKO

6. IZJAVA O PROCEDURAMA I NEOVISNOSTI RADA DRUŠTVA

Uprava društva RE Controlling d.o.o. ovom Izjavom potvrđuje da je izvršen interni nadzor nad poštivanjem zahtjeva u vezi s neovisnošću.

Svi uposlenici Društva obavezni su pridržavati se strogih regulatornih i stručnih pravila koja se odnose na neovisnost. Ova pitanja kontinuirano se razmatraju tokom procesa prihvatanja klijenata, kako bi se osigurala potpuna usklađenost s profesionalnim standardima.

U skladu s odredbama Kodeksa profesionalne etike revizora i Zakona o računovodstvu i reviziji FBiH, uposlenici Društva u potpunosti poštuju zahtjeve koji se odnose na neovisnost, s ciljem sprječavanja sukoba interesa koji bi mogli ugroziti integritet, objektivnost i nepristranost u pružanju profesionalnih usluga klijentima.

7. IZJAVA O POLITICI DRUŠTVA ZA REVIZIJU U VEZI SA KONTINUIRANIM PROFESIONALNIM USAVRŠAVANJEM LICENCIRANIH OVLAŠTENIH REVIZORA

Društvo RE Controlling d.o.o. zapošljava ovlaštene revizore koji se kontinuirano stručno usavršavaju kroz:

- prisustvovanje seminarima i radionicama organizovanim od strane Revizorske komore FBiH,
- učešće na stručnim seminarima u okviru programa kontinuirane profesionalne edukacije pod nadzorom Saveza računovođa, revizora i finansijskih radnika Federacije BiH,
- kao i putem samoedukacije kroz stručnu literaturu i druge relevantne izvore.

Na ovaj način Društvo osigurava da svi licencirani ovlašteni revizori održavaju i stalno unapređuju nivo svojih znanja i kompetencija, u skladu s profesionalnim i regulatornim zahtjevima.

8. FINANSIJSKE INFORMACIJE O OSTVARENIM PRIHODIMA

Pregled ostvarenih prihoda u 2025. godini ima slijedeću strukturu:

1.	<i>Ukupan ostvareni prihod u KM</i>		228.283
<i>od toga :</i>			
1.1	<i>Prihodi od revizijskih usluga</i>		174.000
1.2	<i>Prihodi od računovodstvenih usluga</i>		35.040
1.3	<i>Prihodi od ostalih usluga</i>		4.500
1.4	<i>Ostali prihodi društva za reviziju-refundacije</i>		14.743

9. INFORMACIJE O PARAMETRIMA ZA UTVRĐIVANJE ZARADA OVLAŠTENIH REVIZORA KOJI POTPISUJU IZVJEŠTAJE O OBAVLJENIM REVIZIJAMA SUBJEKATA OD JAVNOG INTERESA

Primanja ovlaštenih revizora koji potpisuju Izvještaje o obavljenim revizijama od javnog interesa, su regulisana pojedinačnim ugovorima o radu. Vlasnik ima pravo na isplatu ostvarene neto dobiti društva.

Zenica, 31.03.2026. godine



Mr.sci. Pidro Elvira, dipl.oec.,
Direktor/ovlašteni revizor